

# БАНА АЖБОРОНОМАНИ

29



## Ўзбекистон Республикасининг олтин-валюта захиралари

Ўзбекистон Республикаси Марказий банки расмий сайти (cbu.uz)да мамлакатимиз олтин-валюта захиралари тўғрисида маълумот (2018 йил 1 май ҳолатига кўра) тақдим этилди.

«Ўзбекистон Республикасининг Марказий банки тўғрисида»ги Қонунга мувофиқ, Марказий банкнинг асосий вазифаларидан бири сифатида республика олтин-валюта захираларини сақлаш ва бошқариш белгиланган. Олтин-валюта захираларини ҳисоблаш методикаси Халқаро валюта

жамғармасининг стандартлари асосида юритилади. Олтин-валюта захираларининг таркиби хорижий валюта активлари ва қуйма шаклидаги монетар олтиндан иборат. Олтин-валюта захираларини самарали бошқариш мақсадида Марказий банк томонидан захираларнинг ялпи ва соф қийматлари ҳисоби юритилади. Соф олтин-валюта захиралари тижорат банклари ва давлат бошқаруви органларининг (Молия вазирлиги, Тикланиш ва тараққиёт жамғармаси бундан мустасно) Марказий банкда очилган ҳисобварақларидаги валюта маблағларини, яъни Марказий банкнинг ушбу ташкилотлар олдидаги мажбуриятларини ҳисобга олмайди.

Ўзбекистон Республикасининг олтин-валюта захиралари (млн. АҚШ долларларида)

Кўрсаткичлар	2018 йил 1 январь	2018 йил 1 февраль	2018 йил 1 март	2018 йил 1 апрель	2018 йил 1 май
I. Ялпи олтин-валюта захиралари	28 076,9	28 774,6	28 336,7	28 494,0	28 352,0
1. Хорижий валютадаги активлар	14 042,8	14 775,9	14 715,4	14 517,2	14 415,9
2. Монетар олтин	14 034,1	13 998,6	13 621,3	13 976,8	13 936,1
II. Соф олтин-валюта захиралари	26 567,5	27 250,0	26 935,1	27 086,7	27 083,8

## Балиқчиликни ривожлантиришда Хитой услубидан фойдаланиш саъй-ҳаракатлари

«Ипотека-банк» акциядорлик-тижорат ипотека банки Бош офисида Хитой Халқ Республикаси «Хэйлунцзян сув жониворлари илмий-тадқиқот институти» вакиллари билан учрашув бўлиб ўтди.



Жорий йил 2-3 май кунлари Президентимиз Шавкат Мирзиёевнинг Наманган вилоятига ташрифи давомида берган топшириқларига мувофиқ, «Ипотека сармоysi» МЧЖ қошида («Ипотека-банк» АТИБ негиздаги) балиқчилик соҳасида илмий ишларни амалга ошириш ҳамда шу соҳада фаолият юритувчи хўжаликларга илмий ишланмалар билан хизмат кўрсатувчи «Балиқчилик илмий маркази»ни ташкил қилиш вазифаси юклатилган эди.

(Давоми 4-бетда)

## TURON BANK «Туронбанк»: ходимларнинг маънавий-ахлоқий фазилати ва тафаккурини янада юксалтириб

«Туронбанк» акциядорлик-тижорат банки томонидан ходимларнинг ҳуқуқий онги, маънавий-маърифий савияси ва касбий малакасини ошириш мақсадида жорий йил бошидан мамлакатимизнинг вилоят марказларида ўтказиб келинаётган ўқув семинарининг навбатдагиси жорий йилнинг 12-13 май кунлари Бухоро шаҳрида «Банк тизимида меҳнат қонунчилигидаги тартиб-қоида меъёрларининг амалиётда қўлланилиши» мавзусида ўтказилди.

Семинарда Бош офис ва унинг Тошкент шаҳри ҳамда вилоятдаги филиаллари ходимлари билан бир қаторда банкнинг Бухоро филиали томонидан хизмат кўрсатилаётган корпоратив мижозлар ҳам иштирок этди. Тадбир Ўзбекистон Республикаси Президентининг 2018 йил

23 мартдаги «Банк хизматлари оммабоплигини ошириш бўйича қўшимча чора-тадбирлар тўғрисида»ги 3620-сонли Қарори талабларидан келиб чиққан ҳолда ташкил этилиб, банк томонидан аҳоли ва мижозлар, шу жумладан, корпоратив мижозлар учун ишлаб чиқилган янги хизмат турлари хусусида батафсил маълумотлар берилди ҳамда мижозларнинг саволларига атрафлича жавоблар қайтарилди.

Хусусан, мижозлар билан жонли мулоқот давомида Президентимизнинг юқоридаги қарори ижроси доирасида «Туронбанк» АТБда хизматлар оммабоплигини таъминлаш йўлида тадбиркорлик субъектлари ва аҳоли кенг қатлами учун мўлжалланган замонавий, янги хизмат турлари жорий этилаётгани, ҳудудларда аҳолининг банк хизматлари-

га бўлган талабидан келиб чиқиб, банк филиаллари ва мини-банклари тармоғи кенгайтирилаётгани, банк хизматлари истеъмолчиларининг қонуний манфаатлари ва ҳуқуқларини таъминлашга эътибор қаратилаётгани, банкка ташриф буюрувчилар хизматлар тўғрисида батафсил маълумот олиши, маслаҳат сўраши, хизматлардан фойдаланиши учун рухсатномасиз ва шахсини тасдиқловчи ҳужжатни тақдим этмасдан кира олишлари учун шароитлар яратилгани, ходимларда хизмат кўрсатиш маданиятини ошириш ва мижозларнинг банкка бўлган ишончини янада юксалтиришга қаратилган кенг кўламли ишлар амалга оширилаётгани қайд этилди.

(Давоми 4-бетда)

### УШБУ СОНДА:

**Бизнес жараёнлар**  
Мамлакатимизнинг ижтимоий-иқтисодий ривожидида эркин иқтисодий ва кичик саноат зоналарининг аҳамияти.  
2-бет.

**Банклардан хабарлар**  
Тижорат банкларидан янги хизматлар.  
3-бет.



**Қонунчилик**  
Ўзбекистон Республикаси Марказий банкининг янги меъёрий-ҳуқуқий ҳужжатлари.  
5-6-7-бетлар.

Реклама ўрнида.

## БИЗНЕС ЖАРАЁНЛАР

# Мамлакатимизнинг ижтимоий-иқтисодий ривожда эркин иқтисодий ва кичик саноат зоналарининг аҳамияти

Бугунги кунда иқтисодиётни эркинлаштириш ва модернизациялаш, шу орқали жаҳон стандартларига жавоб берадиган маҳсулот ишлаб чиқаришга эришишда, биринчи гада, тўғридан-тўғри инвестицияларни жалб қилиш муҳим аҳамият касб этади. Албатта, бундай долзарб вазифаларни амалга оширишда эркин иқтисодий ва кичик саноат зоналари алоҳида ўрин тутлади.

**М**азкур зоналарни ташкил этишнинг асосий мақсади маълум ҳудуд ёки ишлаб чиқариш соҳасини иқтисодий ривожлантиришни рағбатлантириш, шунингдек, сўнгги йилларда муҳтарам Президентимиз томонидан олиб борилаётган ижтимоий-иқтисодий ислохотларни жадал суръатларда амалга оширишда эркин иқтисодий ва кичик саноат зоналаридан иқтисодиётни модернизация қилишнинг ҳудудий услуби сифатида фойдаланишдир.

Бугунги кунда республикаимизда 14 та Эркин иқтисодий зона (ЭИЗ) ва 117 та кичик саноат зоналари (КСЗ), шунингдек, Тошкент вилоятининг Қуйичирчиқ туманида Балиқчилик тармоғини янада ривожлантириш мақсадида «Балиқ ишлаб чиқарувчи» ЭИЗ ва Бўстонлик туманида «Чорвоқ» эркин туристик зоналари ташкил этилган бўлиб, уларнинг мамлакат ижтимоий-иқтисодий тараққиётидаги ўрни ва аҳамиятини куйидаги омиллар орқали ифодалаш мумкин:

– мазкур ҳудудларда алоҳида солиқ, боғжона режими юритилишининг самарали ташкил этилиши асосида мамлакатда хорижий инвестициялар оқимини кенгайтириш;

– ижтимоий-инфратузилмаларнинг самарали жорий этилишини тақомиллаштириш эвазига ушбу ҳудудларда ишлаб чиқарилаётган маҳсулотларни чет давлатларга сотиш орқали мамлакатнинг экспорт салоҳиятини ошириш;


– мамлакат тўлов балансида валюта тушуimini кўпайтириш, шу билан бир қаторда, импорт ўрнини босувчи маҳсулотларни маҳаллийлаштиришни тақомиллаштириш ҳисобига ялпи ҳудудий маҳсулотлар ҳажмини ошириш;

– табиий бойликлар ва хомашё ресурсларидан оқилона фойдаланишни ташкил этиш ҳамда янги иш ўринларини яратиш;

– давлатнинг халқаро бозорларда интеграциялашувини ошириш асосида, тадбиркорларга ажратилган кенг имтиёзлар ҳамда инвестицион иқлим бўйича билвосита рекламаларни олиб бориш.

Юқоридагилардан келиб чиқиб шуни таъкидлаш жоизки, давлатнинг бир қатор муҳим ижтимоий вазифаларини бажаришда эркин иқтисодий ва кичик саноат зоналарида инвестиция лойиҳаларини амалга ошираётган тадбиркорлар муҳим омили бўлиб хизмат қилмоқда.

Айни пайтда ушбу зоналар фаолиятини тартибга солувчи мустақим норматив-ҳуқуқий базани шакллантириш, солиқ, боғжона имтиёзлари ва энгилликларининг кенг тизимини яратиш борасида аниқ мақсадга



йўналтирилган кенг кўламли ишлар амалга оширилмоқда. Жумладан, Президентимизнинг тегишли қарорлари билан ушбу зоналарда фаолият юритаётган тадбиркорлар учун алоҳида солиқ ва боғжона имтиёзлари жорий этилган, меъёрий ҳужжатларда кечиктириб бўлмайдиган муаммоларни зудлик билан бартараф этиш бўйича масъул идораларга аниқ вазифалар юклатилди.

Шунингдек, 2017 йил 17 августдаги ПҚ-3225-сонли Қарорга асосан тадбиркорлик субъектларининг кредит ресурсларидан фойдаланишини кенгайтириш орқали янги иш ўринларини ташкил этишни рағбатлантириш мақсадида Ўзбекистон Республикаси Вазирлар Маҳкамаси ҳузурида Тадбиркорлик фаолиятини ривожлантиришни қўллаб-қувватлаш давлат жамғармаси ташкил этилган.

Мазкур жамғарма кичик тадбиркорлик субъектларига тижорат банклари томонидан ажратилаётган кредитлар миқдорининг 50 фоизига (аммо 2 млрд. сўмдан кўп бўлмаган ҳажмдаги) бўлган қисми учун кафил бўлиб, эркин иқтисодий ва кичик саноат зоналарида инвестиция лойиҳаларини банк кредити ҳисобидан молиялаштиришда гаров таъминоти муаммосини ҳал этишга хизмат қилмоқда.

2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси иқтисодиёт тармоқларини диверсификация қилиш, ҳудудларни ижтимоий-иқтисодий комплекс ривожлантириш, ушбу жараёнларда кичик бизнес ҳамда хусусий тадбиркорлик улушини рағбатлантириш ва натижада аҳолининг турмуш даражасини ошириш борасида ислохотларни амалга оширишда дастуриламал бўлиб хизмат қилмоқда.

Муҳтарам Президентимиз ташаббуслари билан эркин иқтисодий ва кичик саноат зоналарида ўз бизнесини бошламоқчи бўлган тадбиркорларни молиявий қўллаб-қувватлаш ва уларга имтиёзли кредитлар ажратиш бўйича Ўзбекистон Тикланиш ва тараққиёт жамғармаси ҳамда хорижий кредит линиялари маблағларини ўзлаштириш бўйича кенг қамровли ишлар олиб борилмоқда. Хусусан, келгусида ушбу лойиҳаларни Ўзбекистон Тикланиш ва тараққиёт жамғармаси маблағлари ҳисобидан тижорат банклари орқали молиялаштириш учун 450 млн. АҚШ доллари миқдоридagi пул фондлари ажратилиши режалаштирилган.

Бундан ташқари, Жаҳон банки, Осиё тараққиёт банки, Ислон тараққиёт банки, Коммерцбанк, Ландесбанк каби йирик банкларнинг кредит линия-


ларини ўзлаштириш ҳам кўзда тутилган. Бу борада мамлакатимиз тижорат банклари эса асосий ўринлардан бирини эгаллайди.

Хусусан, Президентимиз фармон ва қарорлари ҳамда ҳукуматнинг тегишли қарорлари билан ЭИЗ ва КСЗларига салоҳиятли тижорат банклари бириктирилган бўлиб, уларнинг зиммаларига ушбу иқтисодий зоналардаги хўжалик субъектларини ҳар томонлама қўллаб-қувватлаш, лойиҳаларнинг техник-иқтисодий асосларини, самарадорлиги ва ўзини қоплашини пухта экспертизадан ўтказишга алоҳида эътибор қаратган ҳолда, уларга бизнес-режалар ишлаб чиқишда амалий кўмаклашиш вазифаси юклатилган.

Ушбу вазифаларни тезкор ҳал этиш мақсадида «Навоий», «Ургут», «Ангрен», «Ғиждувон», «Жиззах» ЭИЗда масъул тижорат банкларининг бўлинмалари ўз фаолиятини бошлади.

Қуйидаги диаграммада ЭИЗда амалга оширилаётган инвестиция лойиҳаларини тижорат банклари томонидан молиялаштириш учун ажратилган кредит маблағлари тўғрисидаги маълумотлар келтириб ўтилган.

**1-диаграмма**  
2018 йил 1 май ҳолати бўйича ЭИЗдаги инвестиция лойиҳаларига тижорат банклари томонидан ажратилган кредит маблағлари (млн. долл.)



1-диаграммада келтириб ўтилганideк, 2018 йил 1 май ҳолатига ЭИЗдаги жами 92 та лойиҳа учун умумий қиймати 480 млн. доллар эквивалентдаги кредит маблағлари ажратилган.

Хусусан, 2018 йилнинг ўтган даври мобайнида тижорат банклари томонидан ЭИЗдаги лойиҳаларни молиялаштириш учун Ўзбекистон Республикаси Тикланиш ва тараққиёт жамғармасининг 141 млн. доллар ҳамда хорижий кредит линияларининг 90 млн. доллар миқдоридagi маблағлари юқори технологик ва энергия тежамкор ускуналар ва уларга бутловчи қисмларни келтириш учун ўзлаштирилди.

Ажратилган кредит маблағларининг 257,4 млн. доллар миқдоридagi энг кўп улуши «Ангрен» ЭИЗ ҳиссасига тўғри келмоқда. Эътиборлиси, 2017 йилда тижорат банклари томонидан 40 дан ортқ лойиҳаларни молиялаштириш учун 126 млн. доллар эквивалентдаги кредит маблағлари ажратилган бўлиб, кейинги вақтларда банк тизимида олиб борилаётган самарали ислохотлар натижаси ўларок, бу кўрсаткич кескин ўсиш тенденциясига эга бўлмоқда.

Молиявий маблағларнинг банклар томонидан оқилона йўналтирилиши натижасида ишлаб чиқарувчи корхоналарнинг молиявий потенциалда ижобий марраларга эришилмоқда.

Биргина «Жиззах» ЭИЗда фаолият кўрсатаётган «Roison Home White Goods» корхонасида «Ўзсаноатқурилишбанк» АТБ томонидан ажратилган кредит маблағлари ҳисобига, маиший электр техника буюмларини ишлаб чиқариш йўлга қўйилиб, корхона томонидан 112,3 млрд. сўмлик маҳсулот ишлаб чиқарилган ва 380 минг доллар миқдоридagi маҳсулотлар хорижий давлатларга экспорт қилинган.

Шунингдек, ўтган давр мобайнида КСЗлардаги 88 та лойиҳага жами 44,2 млн. доллар эквивалентдаги кредит маблағлари ажратилган бўлиб, шу жумладан, биргина 2018 йилнинг ўзига 23 та лойиҳа бўйича 2,3 млн. доллар эквивалентдаги маблағлар йўналтирилган.

**2-диаграмма**  
2018 йил 1 май ҳолати бўйича КСЗдаги инвестиция лойиҳаларига тижорат банклари томонидан ажратилган кредит маблағлари (млн. долл.)



2-диаграммада келтириб ўтилган маълумотларни тармоқлар кесимида таҳлил қиладиган бўлсак, жами ажратилган кредитларнинг 46 фоизи қурилиш ва таъмирлаш маҳсулотлари, 20 фоизи фармацевтика ва кимё, 17 фоизи озиқ-овқат саноати ва хизмат кўрсатиш маҳсулотлари ишлаб чиқаришга ҳамда 12 фоизи энгил саноат корхоналари ҳиссасига тўғри келмоқда.

Эркин иқтисодий ва кичик саноат зоналарида инвестиция лойиҳаларини молиялаштиришда тижорат банклари томонидан кредит ажратилиши, уларга бизнес-режалар ишлаб чиқишда амалий кўмаклашиш 2018 йил ҳамда ундан кейинги даврда ҳам фаол давом эттирилади.

**Бекзод АБДУЛЛАЕВ,**  
**Суннатилла ХОЛМУРОДОВ,**  
**Ўзбекистон Республикаси**  
**Марказий Банк Иқтисодиётнинг**  
**базавий тармоқларини**  
**молиялаштириш бўйича**  
**тижорат банклари фаолиятини**  
**мониторинг қилиш департаменти**  
**ходимлари.**

**Finance.uz** хабар қилади

## Хизмат кўрсатиш шоҳобчалари кўпаймоқда

«Қишлоқ қурилиш банк»  
акциядорлик-тижорат банки  
пойтахтимиздаги «Миробод»  
деҳқон бозори ҳудудида янги  
хизмат кўрсатиш шоҳобчасини ишга  
туширди.

**М**аълумки, мазкур муассаса географик жиҳатдан энг йirik банклардан бири ҳисобланади. Бугунги кунда унинг юртимиз бўйлаб 42 та филиали, 41 та мини-банк ҳамда 235 та шоҳобчаси орқали миҳозларга тезкор, замонавий ва сифатли хизмат кўрсатиб келинмоқда.

Шундай бўлишига қарамай, «Қишлоқ қурилиш банк» томонидан Давлатимиз раҳбарининг «Банк хизматлари оммабоплигини ошириш бўйича қўшимча чора-тадбирлар тўғрисида»ги Қарори талабларига кўра, ўз инфратузилмасини кенгайтириб, аҳоли ҳамда кичик бизнес ва хусусий тадбиркорлик субъектларига янада яқиндан хизмат кўрсатишни ташкил этиш ишлари олиб борилмоқда.

Хусусан, жорий йилнинг 10 майдан пойтахтимиздаги «Миробод» деҳқон бозори ҳудудидаги «Миробод» мини-банкида жисмоний шахсларга халқаро пул ўтказмалари бўйича хизматлар кўрсатувчи яна бир шоҳобча ташкил қилинди. Шу орқали «Қишлоқ қурилиш банк» АТБ тизимида фаолият кўрсатаётган халқаро пул ўтказмалари шоҳобчалари сони 42 тага етказилди.



Ҳозирги кунда банк шоҳобчаларида соат 9.00 дан 18 гача «Western Union», «MoneyGram», «Золотая корона», «Contact» ва «Азия-экспресс» тизимлари орқали аҳолига халқаро пул ўтказмалари бўйича малакали хизматлар кўрсатилмоқда.

Эътиборлики, банкнинг 19 та халқаро пул ўтказмалари шоҳобчасида жорий йилнинг май ойидан бошлаб шанба ва яқшанба кунлари ҳам миҳозларга хизмат кўрсатиш йўлга қўйилди. Уларда фуқаролар халқаро пул ўтказмалари учун маблағларни миллий валюта – сўмда (нақд шаклда ва банк пластик карталари орқали) тўлаб, чет элга жўнатиши ҳамда юборилган пул маблағларини хорижда қабул қилиб олувчи фуқаро ўша давлат пул бирлигида ёки АҚШ доллари, еврода олиши мумкин. Бунда хорижий валюта фуқаронинг хоҳишига кўра танланади.

(Давоми 4-бетда).

## Қўшничилик алоқалари мустаҳкамланмоқда

Мамлакатимизда иқтисодийни либераллаштириш ва модернизация қилиш борасида салмоқли ишлар қилинмоқда.

**А**йниқса, қўшни мамлакатлар билан дўстона муносабатларнинг мустаҳкамланаётгани савдосотиқ ва экспорт ҳажми ўсишига, ўзаро манфаатли иқтисодий алоқаларнинг ривожига асос бўлмоқда.

Ўзбекистон Республикаси товар-хомашё биржасида Қирғизистон фонд биржасининг делегацияси билан учрашув бўлиб ўтди. Унда «ЎзРТХБ» АЖ ҳамда «Қирғизистон фонд биржаси» ўртасида ўзаро тажриба алмашиш ва ҳамкорлик масалалари юзасидан келишиб олинди.

«Қирғизистон фонд биржаси» директорлар кенгаши аъзолари, мутахассислар, брокерлик идоралари вакиллари иштирокида бўлиб ўтган тадбирда «Қирғизистон фонд биржаси» ЁАЖ раҳбари Абдулатип Султонов товар сегментда биржа савдоларини ташкил этишда тажриба ал-

машиш ва икки мамлакат биржалари ўртасида ҳамкорлик алоқаларини янада ривожлантиришни қайд этди. Жумладан, тез орада Қирғизистон фонд биржасида товар-хомашё ресурслари билан биржа савдоларини ташкил қилиш учун алоҳида товар секцияси ташкил этилишини таъкидлади.

Соҳа раҳбарлари томонидан ҳамкорлик битими имзоланди. Хужжатга кўра, электрон биржа савдоларини ташкил этиш бўйича «ЎзРТХБ» тажрибасини ўрганиш, Қирғизистон фонд биржасида товар секциясини ташкил этишга кўмаклашиш, биржа савдоларида Қирғизистон Республикасига экспорт қилиш учун Ўзбекистондаги ишлаб чиқарувчи корхоналарнинг тайёр маҳсулотларини жалб қилиш масалалари белгилаб олинди.

Биржа савдоларига цемент ишлаб чиқарувчи Қирғизистон компанияларини, шунингдек, Ўзбекистонда ишлаб чиқарилмайдиган ёки зарур миқдорда ишлаб чиқарилмайдиган кўмир маҳсулотлари ва бошқа қурилиш материаллари-

ни жалб қилиш; маҳаллий товар ишлаб чиқарувчиларнинг экспорт ҳажмини ошириш максудида Қирғизистон Республикасида «ЎзРТХБ» савдо майдончасини очиш имкониятларини ўрганиш қайд этилган.

«ЎзРТХБ» АЖ вакиллари меҳмонларни биржа фаолияти ва техник инфратузилмаси, шунингдек, биржанинг ривожланиш истиқболлари билан таништирдилар.

– Давлатларимиз раҳбарларининг ўзаро манфаатли келишувлари ўз самарасини бермоқда, – дейди «Қирғизистон фонд биржаси» ЁАЖ президенти Назар Ниёзов. – Бугунги учрашувимиз ҳам ана шу дўстона алоқалар мевасидир. Келишувимиз, ўз навбатида, мамлакатларимиз ўртасидаги алоқалар мустаҳкамланиши, савдо ҳажмининг ўсиши, қардош халқлар тадбиркорларининг янада яқинлашувига хизмат қилади. Ўзбекистонлик ҳамкасбларимизнинг биржа савдолари бўйича улкан ютуқларни қўлга киритаётгани бизга катта тажриба мактаби бўлади.

Бобур МУҲАММАДИЕВ.

## БАНКЛАРДАН ХАБАРЛАР

**«ЎЗЖД БИЛЕТ»: ТЕМИРЙЎЛ  
ЧИПТАЛАРИНИНГ ОНЛАЙН ХАРИДИ  
УЧУН ЯНГИ МОБИЛЬ ИЛОВА**

Ўзбекистон Республикаси Ташқи иқтисодий фаолият миллий банки «Milliy» мобиль банкинг тизими доирасида ишловчи «ЎзЖД Билет» мобиль иловасини жорий этди.

Эндиликда муассаса миҳозлари «ЎзЖД Билет» мобиль иловасида темирйўл чиптаси учун тўловни «Milliy» мобиль иловаси тизимидан фойдаланган ҳолда амалга оширишлари мумкин.

Бунинг учун фойдаланувчи UzCard пластик картасининг рақами ва амал қилиш муддати ҳамда SMS-хабарнома ёқилган телефон рақамини «ЎзЖД Билет» мобиль иловасига киритиши лозим бўлади. Шундан сўнг «Milliy» мобиль банкинг тизими томонидан фойдаланувчи телефон рақамига тўлов ўтказиш учун «махсус код» юборилади. Миҳоз «махсус код»ни мобиль иловага киритиб, тўловни тасдиқлайди ва чипта харид қилади.

Шунингдек, Ўзмилийбанк «Milliy» мобиль иловаси орқали ўз миҳозлари бўлган жисмоний шахслар ҳамда иктиврий тижорат банкининг UzCard пластик карталари фойдаланувчилари эътиборига қуйидаги янги банк хизматларини тақдим этмоқда:

– исталган банкнинг сўм пластик картасидан Ўзмилийбанкнинг «Visa» картасига конверсия амалиётларини ўтказиш;

– миллий валютада талаб қилиб олинганча, муддатли ва жамғарма омонатлари ҳисоб рақамларини очиш ҳамда маблағлар кирим қилиш;

– масофадан туриб сўм пластик карта ва ҳисоб рақамлардаги маблағларни бошқариш.

«Milliy» мобиль иловасини «App Store» ва «Google Play»дан бепул юклаб олиш мумкин.

**МИЖОЗЛАР МАНФААТИ ЙЎЛИДА**



**«Ипак Йўли»** акциядорлик инновация тижорат банки Visa халқаро конверсион карталаридан фойдаланаётган миҳозлари учун манфаатли таклиф билан чиқди.

«Муқаддас жойларга зиёратга овланасизми? Сафарингиз чоғида эҳтиёжларингиз учун ҳисоб-китобларни қулай бажаришни истайсизми? Бунинг ечими бизда!

Жорий йилнинг 1 майдан 31 декабригача Саудия Арабистонида товар ва хизматлар харидини маҳаллий риалларда комиссия тўловларисиз амалга ошириш ҳамда «Ипак Йўли» АИТБ Visa конверсион карталаридан маҳаллий валютани нақдлаштириш имконига эгасиз!», дейилган банкнинг ижтимоий тармоғидаги саҳифасида.

**ХАЛҚАРО КАРТАЛАР  
БЎЙИЧА ЧЕГИРМА**

**«ASIA ALLIANCE BANK»** акциядорлик-тижорат банки халқаро пластик карталар бўйича чегирма эълон қилди.

Қайд этилишича, жорий йилнинг 16 майдан 15 июнигача «Visa Exchange» ва «UnionPay Exchange» халқаро пластик карталари (мазкур муассасада очилган) фойдаланувчилари «ASIA ALLIANCE BANK» АТБнинг валюта терминаллари орқали нақд пулларни чет эл валютасида ечиб олишлари мумкин. Бунда хизмат ҳақи ундирилмайди, бошқа банкларнинг пластик карталари бўйича эса умумий сумманинг 3 фоизи миқдорда белгиланган.

Назира МАВЛОНОВА тайёрлади.



## «Туронбанк»: ходимларнинг маънавий-ахлоқий фазилати ва тафаккури янада юксалтириб

(Давоми. Бошланиши 1-бетда).

Шундан сўнг ўқув семинар машғулоти бошланиб, унда банкнинг турли бўлинмалари ходимлари қаторида кадрлар билан ишлаш бўйича масъул ходимлар ҳам иштирок этгани боис «Банк тизимида меҳнат қонунчилигидаги тартиб-қоида меъёрларини амалиётда қўлланилиши» мавзуси юзасидан давлат муассасалари ва жамоат хизмати ходимлари касба уюшмасининг Бухоро вилояти бўйича вакили, «Замонавий банк ходимининг одоб-ахлоқи ва этикаси» мавзусида Бухоро вилояти Фуқаролик институти раҳбари, «Коррупцияга қарши курашиш тўғрисидаги қонун ҳужжатлари» мавзуси бўйича Бухоро вилояти Ички ишлар бошқармаси коррупцияга қарши курашиш бўлими масъул ходимининг маърузалари тингланди.

Шу билан бирга, амалиётчи психолог Барно Илҳомова томонидан «Малакали кадр – банк муваффақиятининг гарови, кадрларни тўғри танлашни ўрганишимиз» мавзусида амалий машғулот ўтказилиб, ходимларни танлаш ва уларни жой-жойига қўйиш борасида психолог маслаҳати берилди.

Семинарда иштирок этган академик Балташ Абдуалимов эса ўз маърузасида Ўзбекистон Республикаси Президентининг 2017 йил 13 сентябрдаги «Китоб маҳсулотларини нашр этиш ва тарқатиш тизимини ривожлантириш, китоб муталааси ва китоб-



хонлик маданиятини ошириш ҳамда тарғиб қилиш бўйича комплекс чора-тадбирлар тўғрисида»ги 3271-сонли Қарори мазмун-моҳияти ҳақида тўхталиб ўтди. Мазкур қарорнинг нечоғлик долзарблиги ва ўсиб келаётган ёш авлоднинг билим ҳамда дунёқарашини шакллантиришдаги ўрнига алоҳида урғу бериб, китобни мунтазам ўқиш ҳар бир шахс маънавий камолотида муҳим эканлигини қайд этди.

Семинарда шунингдек, Ўзбекистон Республикаси халқ артисти Убайдулло Омон билан ҳам ижодий учрашув бўлиб ўтди. Унда иштирокчилар элимизнинг ушбу сеvimли актёри ҳаёти ва ижоди билан яқиндан танишиб, ўзларини қизиқтирган саволларга батафсил жавоблар олдилар.

Таъкидлаш жоизки, «Турон-

банк» АТБда ички туризми ривожлантириш, ходимларни туристик саёҳатларга жалб қилишга алоҳида эътибор қаратилмоқда.

Шу мақсадда 2018 йилнинг 13 май куни банкнинг Бош офиси ва вилоят филиаллари ходимлари Бухоро шаҳри ва Бухоро вилоятида жойлашган тарихий қадамжоларга зиёрат-туризми амалга оширилди.

Қадамжоларга зиёрат Бухоро вилоятида жойлашган Ҳазрат Баҳоуддин Нақшбанд зиёратгоҳи ҳамда Ситорай Моҳи Хоса ёзги саройига саёҳатдан бошланди.

Шундан сўнг семинар иштирокчилари Бухоро шаҳрининг тарихий обидалари ва диққатга сазовор жойлари билан танишиш мақсадида Арк кўрғони, Минораи Калон, Масжиди Калон, Тоқи Заргарон, Тоқи Сарафон,

Лаби Ҳовуз, Кўкалдош мақбарасига саёҳат қилиб, Бухоро шаҳрининг қадимий обидалари, гўзал архитектураси ҳамда ушбу заминнинг ўзига хос миллий анъаналари билан яқиндан танишдилар. Шунингдек, мамлакатимизнинг ҳар бир гўшасида бўлаётгани каби бу ерда ҳам олиб борилаётган бунёдкорлик ишларидан бохабар бўлдилар.

Мухтасар айтганда, «Туронбанк» АТБ ходимлар билимини ошириш, тафаккури янада юксалтириш, етук маънавий-ахлоқий фазилатли, замонавий фикрлайдиган ҳамда интеллектуал даражаси юқори кадрлар захирасини шакллантириш йўлида маънавий-маърифий тадбирларни тизимли равишда давом эттираётгани алоҳида аҳамиятлидир.

Бекзод АКРОМОВ.

## Балиқчиликни ривожлантиришда Хитой услубидан фойдаланиш саъй-ҳаракатлари

(Давоми. Бошланиши 1-бетда).

Тадбирда сўз олган «Ипотека-банк» АТИБ бошқаруви раиси Омон Мусаев бугунги кунда Хитой балиқ маҳсулотлари етиштириш ва уларни қайта ишлаш бўйича ҳам илмий йўналиш, ҳам технологик ечимлар яратишда етакчи давлат эканлигини таъкидлаб, муассаса негизда ташкил этиладиган янги тузилма фаолиятини йўлга қўйишда ўзаро ҳамкорликдан манфаатдор эканлигини маълум қилди.

Маълумки, «Хэйлунцзян сув жониворлари илмий-тадқиқот институти»нинг асосий фаолияти осетр ва карп туридаги балиқларни етиштириш бўйича тадқиқотлар олиб боришдан иборатдир.

Шу кунгача институт олимлари Ўзбекистонда Орол денгизининг қуриб кетиши ва Амударёда турли тўғон, сув омбори ва каналлар қурилиши ҳисобига кескин камайиб, Қизил китобга киритилган Орол мўйловдори ва Туркистон мўйловдори балиқларини Харбинга олиб кетиб иқлимлаштирди. Улар устида турли тадқиқотлар ўтказиб, етиштириш технологиясини ишлаб чиқди. Ҳозирги кунда ушбу икки балиқ тури Хитойда қимматбаҳо маҳсулотлар сирасига қиради.

– Мазкур ташрифимиз чоғида юртингизнинг қатор ҳудудларида бўлиб, у ерларда балиқчиликни ривожлантириш истиқболи юқори эканлигига, айниқса, Қорақалпоғистоннинг суви шўр туманларида ҳам айнан шундай шароитга мослашадиган балиқларни парваришлаш имкони борлигига амин бўлдик, – дейди институт профессори Сю Вей (Хитой). – Мутахассислар билан учрашувда сув хавфсизлигини ошириш ва личинкаларни кўпайтириш бўйича ўз таклифларимизни бердик. Бу борада ҳамкорлик



ўрнатиб, Ўзбекистон ишбилармонларига ҳам илмий, ҳам техник ва сармовий кўмаклашишга тайёрмиз.

Учрашув чоғида хитойлик олимлар сув ҳавзаларини модернизация қилиш ва кенгайтириш, соҳага инновацион интенсив технологияларни жалб қилиш юзасидан ўз фикр-мулоҳазаларини билдирдилар.

Ўзбекистонда балиқчилик соҳасини илмий асосланган ҳолда ташкил этиш ташаббусини қўллаб-қувватлаб, «Балиқчилик илмий маркази» фаолиятини йўлга қўйишда, хусусан, тармоқни ривожлантиришнинг назарий асослари бўйича илмий база яратишда ҳамкорлик қилишга келишиб олдилар.

Айтиш жоиз, «Ипотека-банк» АТИБ томонидан шунингдек, балиқчиликни ривожлантиришда Вьетнам, Индонезия каби давлатларнинг тажрибали мутахассислари ҳам жалб этилган ҳолда кенг кўламли ишлар олиб борилмоқда.

Назира МАВЛОНОВА.

## Хизмат кўрсатиш шохобчаларни кўпаймоқда

(Давоми. Бошланиши 3-бетда).

Шу билан бирга, мижозларга қулайлик яратиш мақсадида хорижий давлатдан юборилган валюта маблағларини миллий валютада (нақд шаклда ёки банк пластик карталарига ўтказиб бериш) тақдим қилиш имконияти ҳам мавжуд. Бу амалиётлар санокли дақиқалар ичида бажарилаётгани аҳолига манзур бўлмоқда.

Эслатиб ўтиш жоиз, халқаро пул ўтказмалари бўйича мазкур амалиётлар бажарилишида «Қишлоқ қурилиш банк»нинг амалиёт кундаги хорижий валютани сотиш ва харид қилиш бўйича курслари асосида амалга оширилади. Банкда «Бивалюта» хизмат тури орқали «Золотая корона» тизимидан халқаро пул ўтказмалари воситачилик тўловларисиз, мутлақо бепул ўтказилади. Бунда мижознинг Ўзбекистондан жўнатган миллий ёки нақд хорижий валюта чет эл давлат банклари томонидан ўша давлатнинг миллий валютасида олувчига тўлаб берилади.

«Western Union» ва «MoneyGram» халқаро пул ўтказмалари тизими орқали юбориладиган жўнатмалар учун комиссиялар миқдори жўнатма юбориладиган давлат ва пул миқдорига қараб белгиланади.

«Золотая корона», «Contact» ва «Азия-экспресс» халқаро пул ўтказмалари тизими орқали юбориладиган жўнатмалар учун 1 фоиз миқдоридан комиссия ундирилади.

Наргиз АҲМЕДОВА.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ  
ҚАРОРИ

**«Ўзбекистон Республикаси Марказий банки томонидан микрокредит ташкилотлари ва ломбардлар фаолиятини текшириш тартиби тўғрисидаги низомни тасдиқлаш ҳақида»ги қарорига ўзгартириш ва қўшимчалар киритиш тўғрисида**

**Ўзбекистон Республикаси Адлия вазирлигидан 2018 йил 25 апрель куни  
2209-2-сон билан давлат рўйхатидан ўтказилди.**

Ўзбекистон Республикасининг «Ўзбекистон Республикасининг Марказий банки тўғрисида»ги ва «Микрокредит ташкилотлари тўғрисида»ги Қонунларига ҳамда Ўзбекистон Республикаси Президентининг 2017 йил 9 январдаги «Ўзбекистон Республикаси Марказий банкининг фаолиятини тубдан такомиллаштириш чора-тадбирлари тўғрисида»ги 5296-сонли Фармониغا мувофиқ, Ўзбекистон Республикаси Марказий банки Бошқаруви ҚАРОР ҚИЛАДИ:

1. Ўзбекистон Республикаси Марказий банки

**Ўзбекистон Республикаси  
Марказий банки Раиси**  
Тошкент ш.,  
2018 йил 24 февраль,  
7/9-сон

**М. НУРМУРАТОВ**

*Ўзбекистон Республикаси  
Марказий банки Бошқарувининг  
2018 йил 24 февралдаги 7/9-сонли қарорига  
ИЛОВА*

**«Ўзбекистон Республикаси Марказий банки томонидан микрокредит ташкилотлари ва ломбардлар фаолиятини текшириш тартиби тўғрисидаги низомни тасдиқлаш ҳақида»ги қарорига киритилаётган ўзгартириш ва қўшимчалар**

1. Қарор муқаддимаси қуйидаги тахрирда баён этилсин:

«Ўзбекистон Республикасининг «Ўзбекистон Республикасининг Марказий банки тўғрисида»ги, «Микрокредит ташкилотлари тўғрисида»ги қонунлари, Ўзбекистон Республикаси Президентининг 2010 йил 26 ноябрдаги ПҚ-1438-сон «2011-2015 йилларда республика молия-банк тизимини янада ислох қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида»ги қарорига мувофиқ Ўзбекистон Республикаси Марказий банки Бошқаруви қарор қилади.»

2. Низомда:

а) муқаддима қуйидаги тахрирда баён этилсин:

«Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги, «Микрокредит ташкилотлари тўғрисида»ги қонунларига, Ўзбекистон Республикаси Президентининг 2010 йил 26 ноябрдаги ПҚ-1438-сон «2011-2015 йилларда республика молия-банк тизимини янада ислох қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида»ги

Бошқарувининг 2011 йил 5 февралдаги 4/4-сонли «Ўзбекистон Республикаси Марказий банки томонидан микрокредит ташкилотлари ва ломбардлар фаолиятини текшириш тартиби тўғрисидаги низомни тасдиқлаш ҳақида»ги қарорига (рўйхат рақами 2209, 2011 йил 14 март) (Ўзбекистон Республикаси қонун ҳужжатлари тўплами, 2011 й., 10-11-сон, 111-модда) иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

қарорига мувофиқ Марказий банк томонидан микрокредит ташкилотлари ва ломбардлар фаолиятини текшириш тартибини белгилайди.»

б) 3-бандда:

тўртинчи хатбоши қуйидаги тахрирда баён этилсин:

«назорат тартибида текшириш — нобанк кредит ташкилотларининг илгариги текширишда кўрсатилган қоидабузарликларни бартараф этиши устидан амалга оширилаётган текшириш.»;

бешинчи хатбоши чиқариб ташлансин;

в) II бобнинг номи қуйидаги тахрирда баён этилсин:

«II. Текшириш ўтказиш»;

г) 8 ва 9-бандлар қуйидаги тахрирда баён этилсин:

«8. Нобанк кредит ташкилотларини текшириш маъносидадан нозорат қилиш натижаларидан келиб чиқиб, Марказий банкнинг Банк нозорати қўмитаси қарорига асосан ўтказилади.

9. Текширишлар Ўзбекистон Республикаси Марказий банки томонидан нобанк кредит ташкилотларининг молиявий ҳолатини аниқлаш ҳамда уларнинг фаолиятига умумий баҳо бериш мақсадида ўтказилади.»

д) 10-банд куйидаги мазмундаги хатбоши билан тўлдирилсин:

«Назорат тартибида текшириш Марказий банк ёки унинг худудий Бош бошқармасининг фармойиши асосида бир иш куни ичида ўтказилади.»;

е) 11-бандда:

биринчи хатбоши куйидаги тахрирда баён этилсин:

«11. Нобанк кредит ташкилотлари фаолияти кўпи билан йилига бир марта текширишдан ўтказилади, қонун ҳужжатларида бошқа муддатлар кўрсатилган

ҳолатлар бундан мустасно.»;

куйидаги мазмундаги иккинчи хатбоши билан тўлдирилсин:

«Текшириш Марказий банкнинг фармойиши асосида ҳар бир нобанк кредит ташкилоти бўйича алоҳида тайинланади.»;

иккинчи хатбоши учинчи хатбоши деб ҳисоблансин;

ж) 12, 13-бандлар ва III боб ўз кучини йўқотган деб топилсин;

з) 14-банднинг иккинчи жумласи чиқариб ташлансин.

## ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**«Тижорат банкларининг Ўзбекистон Республикаси Марказий банкида депозитга ўтказиладиган мажбурий резервлари тўғрисидаги низомни тасдиқлаш ҳақидаги қарор, шунингдек, унга ўзгартиришларни ўз кучини йўқотган, деб топиш тўғрисида**

*Ўзбекистон Республикаси Адлия вазирлигидан  
2018 йил 25 апрель куни 2004-2-сон билан  
давлат рўйхатидан ўтказилди.*

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ, Ўзбекистон Республикаси Марказий банки Бошқаруви ҚАРОР ҚИЛАДИ:

1. Куйидагилар ўз кучини йўқотган деб топилсин:

Ўзбекистон Республикаси Марказий банки Бошқарувининг 2009 йил 15 августдаги 23/8-сонли «Тижорат банкларининг Ўзбекистон Республикаси Марказий банкида депозитга ўтказиладиган мажбурий резервлари тўғрисидаги низомни тасдиқлаш ҳақида»ги қарори (рўйхат рақами 2004, 2009 йил

9 сентябрь) (Ўзбекистон Республикаси қонун ҳужжатлари тўплами, 2009 й., 37-сон, 412-модда);

Ўзбекистон Республикаси Марказий банки Бошқарувининг 2014 йил 20 декабрдаги 45/1-сонли «Тижорат банкларининг Ўзбекистон Республикаси Марказий банкида депозитга ўтказиладиган мажбурий резервлари тўғрисидаги низомга ўзгартиришлар киритиш ҳақида»ги қарори (рўйхат рақами 2004-1, 2014 йил 26 декабрь) (Ўзбекистон Республикаси қонун ҳужжатлари тўплами, 2014 й., 52-сон, 634-модда).

2. Мазкур қарор 2018 йил 1 июндан кучга киради.

**Ўзбекистон Республикаси  
Марказий банки Раиси**

*Тошкент ш.,  
2018 йил 31 март,  
12/7-сон*

**М. НУРМУРАТОВ**

## ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**Тижорат банкларида активлар сифатини таснифлаш ва активлар бўйича эҳтимолий йўқотишларни қоплаш учун захиралар шакллантириш ҳамда улардан фойдаланиш тартиби тўғрисидаги низомга ўзгартириш ва қўшимчалар киритиш ҳақида**

*Ўзбекистон Республикаси Адлия вазирлигидан  
2018 йил 27 апрель куни 2696-2-сон билан  
давлат рўйхатидан ўтказилди.*

Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги ва «Бухгалтерия ҳисоби тўғрисида»ги Қонунларига мувофиқ, Ўзбекистон Республикаси Марказий банки Бошқаруви ҚАРОР ҚИЛАДИ:

1. Ўзбекистон Республикаси Марказий банки Бошқарувининг 2015 йил 13 июндаги 14/5-сонли қарори (рўйхат рақами 2696, 2015 йил 14 июль) (Ўзбекистон Республикаси қонун ҳужжатлари тўплами, 2015 й., 28-сон, 374-модда) билан тасдиқланган Тижорат банкларида активлар сифатини таснифлаш ва

активлар бўйича эҳтимолий йўқотишларни қоплаш учун захиралар шакллантириш ҳамда улардан фойдаланиш тартиби тўғрисидаги низомга илова-

**Ўзбекистон Республикаси**  
**Марказий банки Раиси**

*Тошкент ш.,  
2018 йил 31 март,  
12/20-сон .*

га мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан бир ойдан кейин кучга киради.

**М. НУРМУРАТОВ**

*Ўзбекистон Республикаси*  
*Марказий банки Бошқарувининг*  
*2018 йил 31 мартдаги 12/20-сонли қарорига*  
*ИЛОВА*

**Тижорат банкларида активлар сифатини таснифлаш ва активлар бўйича эҳтимолий йўқотишларни қоплаш учун захиралар шакллантириш ҳамда улардан фойдаланиш тартиби тўғрисидаги низомга киритилаётган ўзгартириш ва қўшимчалар**

1. 1-бандда:

иккинчи хатбоши куйидаги тахрирда баён этилсин:  
**«активлар** – кредит, микроқарз, овердрафт, лизинг, факторинг, қимматли қоғозлар, инвестициялар, бошқа банклардаги маблағлар, ҳисобланган фоизсиз даромадлар, банкнинг бошқа хусусий мулклари, бўлиб-бўлиб тўлаш шаклида сотилган мулклар, балансдан ташқари моддалар (чақириб олинмайдиган кредит мажбуриятлари, фойдаланилмаган кредит линиялари, аккредитивлар, кафолатлар) ҳамда ҳисобланган фоизлардан ташқари бошқа барча талаблар;»;

еттинчи хатбоши куйидаги тахрирда баён этилсин:  
**«таъминланмаган активлар** – таъминоти белгиланган тартибда расмийлаштирилмаган активлар;»;  
куйидаги мазмундаги хатбоши билан тўлдирилсин:  
**«ишончли (эътимодли) активлар** – банк ҳисобварағида мунтазам пул оқими мавжуд бўлган, яхши обрў ва кредит тарихига эга қарз олувчиларга таъминотсиз ажратилган активлар.»

2. Куйидаги мазмундаги 1<sup>й</sup>-банд билан тўлдирилсин:

«1<sup>й</sup>. Активлар сифатини таснифлаш ва уларни банк балансида акс эттириш банк ва қарздор ўртасида тузилган шартнома шартларини ўзгартирмайди, шу жумладан, шартнома шартларига мувофиқ банк томонидан асосий қарз ва унга ҳисобланган фоизларни, шунингдек, шартнома шартларини бажармаганлиги учун жарима ва пеняларни тўлиқ миқдорда қарздордан ундириш ҳуқуқини бекор қилмайди.»

3. 9 ва 10-бандлар куйидаги тахрирда баён этилсин:

«9. Қарзларнинг ўз муддатида тўланишига шубҳа туғдирмайдиган активлар сифати «стандарт» деб таснифланади. Бунда:

қарз олувчи юридик ёки тадбиркорлик фаолияти билан шуғулланувчи жисмоний шахс молиявий жиҳатдан барқарор ҳисобланган, етарли миқдорда капиталга, юқори даромадлилик даражасига ҳамда

барча мавжуд мажбуриятларни, жумладан, мазкур қарзни қондириш учун етарли пул маблағлари оқимиغا, шунингдек, амалга оширилиши мумкин бўлган стратегик режага, бозорда рақобатдошлик қобилиятига, яхши махсулотни ишлаб чиқаришга ва ўз махсулоти бўйича маркетинг режасига эга бўлиши;

қарз олувчи (биргаликда қарз олувчи) жисмоний шахс барқарор даромад манбаига эга ҳамда даромадлари банкдан олинган кредит ва фоизларни тўлашга етарли, яхши кредит тарихига эга, яъни олдин олган барча кредитлари бўйича тўловларни ва бошқа мажбуриятларни ўз вақтида бажарган бўлиши керак.

Таъминот «яхши таъминланган» кредит мезонларига мос келиши лозим. Жумладан, таъминот турлари нотариал жиҳатдан тасдиқланган бўлиши (агар қонун ҳужжатларида нотариал тасдиқланиши назарда тутилган бўлса), зарур ҳолларда, тегишли мулк битимини рўйхатдан ўтказиш учун белгиланган тартибда рўйхатга олиниши, шу жумладан, тижорат банкининг гаров мол-мулкига доир ҳуқуқлари тўғрисидаги ёзув гаров реестрида акс эттирилиши зарур.

Тижорат банки кредит қайтарилмаган ҳолда чекловларсиз ва эркин равишда уни таъминот ҳисобидан ундириб олишга ҳақли. Таъминотга доир тақдим этилаётган барча ҳужжатлар қонун ҳужжатларида белгиланган тартибда расмийлаштирилиши лозим. Бундан ишончли (эътимодли) активлар мустасно бўлиб, уларнинг асосий қарзи ва фоизлари бўйича муддати ўтган қарздорликлари мавжуд бўлмаса, бундай активлар сифати «стандарт» деб таснифланади.

10. Сифати «стандарт» деб таснифланган активлар қайтарилишида муаммолар кузатилмайди.

Қарздор томонидан охириги 180 кунда активларнинг асосий қарзи ва (ёки) фоизлари бўйича муддати 30 кунгача кечиктирилган ягона ҳолат мавжуд

бўлса, ушбу активлар сифати «стандарт» деб таснифланади, ишончли (эътимодли) активлар бундан мустасно.

Бунда шартлари қайта кўрилган активлар сифати «стандарт» деб таснифланиши мумкин эмас.»

4. 11-банднинг иккинчи хатбошиси қуйидаги тахрирда баён этилсин:

«Стандарт активларга яратиладиган захиралар тижорат банклари томонидан солиқлар ва бошқа мажбурий тўловлар тўлангандан сўнг қолган соф фойда ҳисобидан мазкур Низом кучга кирган кундан кейин ажратилиб, ҳисобот санасига сифати «стандарт» деб таснифланган активлар қолдигидан келиб чиққан ҳолда банк фойдасини тақсимлаш бўйича акциядорларнинг умумий йиғилиши қарорига мувофиқ ташкил қилинади.»

5. 12-банд қуйидаги тахрирда баён этилсин:

«12. Қарздорнинг молиявий ҳолати барқарор ҳисобланган, лекин айрим салбий ҳолатлар ёки тенденциялар мавжуд бўлиб, агар улар бартароф этилмаса, молиялаштирилган лойиҳанинг амалга ошишига ёки қарздорнинг активни ўз вақтида тўлаш қобилиятига нисбатан шубҳа пайдо бўлиши мумкин бўлган активлар сифати «субстандарт» деб таснифланади.

Қуйида келтирилган омиллардан ҳеч бўлмаганда биттаси мавжуд бўлса, активларнинг сифати «субстандарт» деб таснифланади:

молиявий ҳолати ёки таъминотни назорат қилиш борасида шубҳалар бўлса;

кредит ҳужжатларида етарлича ахборот ёки таъминот бўйича ҳужжатлари бўлмаган;

қарздорнинг 2-сон картотекаси мавжуд бўлиб, ундаги тўлов ҳужжатларининг муддати 30 кундан ошмаган бўлса (фаолияти мавсумий хусусиятга эга қарздорлар бундан мустасно);

охирги 180 кун ичида активларнинг асосий қарзи ва (ёки) фоизлари бўйича муддати 30 кунгача кечиктирилган бир нечта ҳолатлар мавжуд бўлса;

ишончли (эътимодли) активларнинг асосий қарзи ва фоизлари бўйича 30 кундан ошмаган муддати ўтган қарздорлик мавжуд бўлса;

таъминланган активлар бўйича асосий қарз ва фоизлар бўйича 30 кундан ортиқ, лекин 90 кундан ошмаган муддати ўтган қарздорлик мавжуд бўлса.»

6. 14-банд қуйидаги тахрирда баён этилсин:

«14. Қуйида келтирилган омиллардан ҳеч бўлмаганда биттаси мавжуд бўлса, активларнинг сифати «қониқарсиз» деб таснифланади:

асосий тўлов манбалари қарз тўлаш учун етарли бўлмаса, таъминотга қўйилган мулкни ва қарз олувчининг бошқа асосий воситаларини сотиш, тўланиши лозим бўлган қарзларни узайтиришларни ҳисобга олган ҳолда қўшимча тўлов манбаларини топиш талаб этиладиган бўлса;

қарз олувчининг жорий молиявий ҳолати ёки унинг пул маблагларининг мўлжалланаётган оқими мажбурийларни қоплаш учун етарли бўлмаса;

қарз олувчининг капитали етарли даражада бўлмаса;

қарздорнинг 2-сон картотекасида 31 кундан ортиқ, лекин 90 кундан ошмаган муддатга кечиктирилган тўлов ҳужжатлари мавжуд бўлса (фаолияти мавсумий хусусиятга эга қарздорлар бундан мустасно);

ушбу соҳага нисбатан тенденция ва истиқболлар барқарор бўлмаса;

таъминот қиймати асосий қарз суммасидан ошмаган, ҳеч бўлмаганда асосий қарзнинг тўланмаган суммасига тенг бўлса (ишончли (эътимодли) активлар бундан мустасно);

ишончли (эътимодли) активлар бўйича асосий қарз ва фоизлар бўйича 31 кундан ортиқ, лекин 90 кундан ошмаган муддати ўтган қарздорлик мавжуд бўлса.»

таъминланган активлар бўйича асосий қарз ва фоизлар бўйича 91 кундан ортиқ, лекин 120 кундан ошмаган муддати ўтган қарздорлик мавжуд бўлса.»

7. 17-бандда:

тўртинчи хатбоши қуйидаги тахрирда баён этилсин:

«қарздорнинг 2-сон картотекасида 91 кундан ортиқ, лекин 180 кундан ошмаган муддатга кечиктирилган тўлов ҳужжатлари мавжуд бўлса (фаолияти мавсумий хусусиятга эга қарздорлар бундан мустасно);»

қуйидаги мазмундаги хатбошилар билан тўлдирилсин:

«ишончли (эътимодли) активлар бўйича асосий қарз ва фоизлар бўйича 91 кундан ортиқ лекин, 180 кундан ошмаган муддати ўтган қарздорлик мавжуд бўлса;

таъминланган активлар бўйича асосий қарз ва фоизлар бўйича 121 кундан ортиқ лекин, 180 кундан ошмаган муддати ўтган қарздорлик мавжуд бўлса.»

8. 20-банднинг тўртинчи хатбошиси қуйидаги тахрирда баён этилсин:

«қарздорнинг 2-сон картотекасида муддати 180 кунга кечиктирилган тўлов ҳужжатлари мавжуд бўлса;»

9. Қуйидаги мазмундаги 21<sup>1</sup> – 21<sup>3</sup>-бандлар билан тўлдирилсин:

«21<sup>1</sup>. Агар икки йилдан ортиқ муддатга ажратилган активлар бўйича асосий қарз ва унга ҳисобланган фоизларни қайтариш графика асосан охириги олти ойга белгиланган бўлса ёки шартномада активларни қайтариш графиги бўлмаса, бундай активлар сифатининг таснифи бир тоифага пасайтирилиши лозим.

21<sup>2</sup>. Республика ҳудудидаги банкларга жойлаштирилган активлар (вакиллик ҳисобварақлари, банкларро депозитлар ва кредитлар) сифати қуйидагича таснифланади:



асосий қарз ва (ёки) фоизларни қайтариш муддати 10 кунгача кечиктирилганда – «қониқарсиз»;

асосий қарз ва (ёки) фоизларни қайтариш муддати 11 кундан 30 кунгача кечиктирилганда – «шубҳали»;

асосий қарз ва (ёки) фоизларни қайтариш муддати 31 кундан кечиктирилганда, шунингдек, актив жойлаштирилган банкнинг лицензияси чақириб олинган ёки бошқа тартибда уни тугатиш ишлари бошланганда – «умидсиз».

Бунда актив жойлаштирилган банкларнинг молиявий кўрсаткичлари ҳамда Марказий банк томонидан ўрнатилган нормативларнинг бажарилиши мунтазам ўрганиб борилади.

21<sup>б</sup>. Республика ҳудудидан ташқаридаги банкларга жойлаштирилган активлар (вакиллик ҳисобварақлари, банклараро депозитлар ва кредитлар) сифати куйидагича таснифланади:

Активлар жойлаштирилган банк «Standard & Poor's», «Fitch Ratings» ва «Moody's Investors Service» рейтинг компанияларининг инвестицион рейтинг баҳоларига ёки Марказий банк томонидан тан олинган бошқа рейтинг компанияларининг ушбу баҳоларга тенг бўлган рейтинг баҳоларига эга бўлганда – «стандарт»;

активлар жойлаштирилган банк «Standard & Poor's», «Fitch Ratings» ва «Moody's Investors Service» рейтинг компанияларининг инвестицион рейтинг баҳоларидан ёки Марказий банк томонидан тан олинган бошқа рейтинг компанияларининг ушбу баҳолардан паст рейтинг баҳосига эга бўлганда, шунингдек, ушбу банкларнинг рейтинг баҳолари инвестицион рейтинг баҳоларидан пасайтирилганда – «субстандарт»;

активларнинг асосий қарз ва (ёки) фоизлари бўйича муддати ўтган қарздорликлар мавжуд бўлганда – «умидсиз».

Бунда актив жойлаштирилган банкларнинг молиявий кўрсаткичлари ҳамда рейтинг баҳолари мунтазам ўрганиб борилади.

Активлар жойлаштирилган банк икки ёки ундан кўп рейтинг компанияларининг баҳоларига эга бўлганда, ҳисоб-китобларда энг паст рейтинг баҳоси ҳисобга олинади.»

#### 10. 26-бандда:

куйидаги мазмундаги олтинчи ва еттинчи хатбошилар билан тўлдирилсин:

«таваккалчилик даражаси паст бўлган мамлакатлар ҳукуматлари ва Марказий банклари томонидан чиқарилган қимматли қозғалар гарови, шунингдек, бу мамлакатлар ҳукуматларининг кафолати;

Халқаро валюта фонди ва Жаҳон банки гуруҳи (Халқаро тикланиш ва тараққиёт банки, Халқаро молия корпорацияси, Халқаро инвестицияларни кафолатлаш агентлиги, Халқаро тараққиёт ассоциация-

си) ҳамда Осиё тараққиёт банки, Осиё инфраструктура инвестиция банки, Европа тикланиш ва тараққиёт банки, Европа инвестиция банки, Европа инвестиция жамғармаси, Ислон тараққиёт банки ҳамда Европа Кенгашининг тараққиёт банклари кафолати.»;

олтинчи хатбоши саккизинчи хатбоши деб ҳисоблансин;

саккизинчи хатбошидаги «гаров» деган сўз «заказ» деган сўз билан алмаштирилсин.

11. Куйидаги мазмундаги 30<sup>1</sup> – 30<sup>3</sup>-бандлар билан тўлдирилсин:

«30<sup>1</sup>. Шартномада белгиланган охириги муддати ўзгартирилмаган ҳолда, асосий қарз ва (ёки) фоизлар бўйича оралиқ тўловларнинг муддатлари бир марта қайта кўриб чиқилган активларнинг сифати «қониқарсиз» деб таснифланади.

Мазкур активларнинг муддати қайта кўриб чиқилгандан кейин қайтариш графигига асосан камида кетма-кет 3 та тўлов тўлиқ ва ўз вақтида тўланган тақдирда, уларнинг сифати «субстандарт» деб таснифланиши мумкин.

Бунда активларни қайтариш графиги бўйича тўлов бошланган ойдан шартноманинг охириги муддатига қадар ҳар ойда тенг (пропорционал) тўловлар асосида қайтарилиши белгиланган тақдирда кетма-кет 3 та тўлов, акс ҳолда шу миқдорга тенг 3 тадан кўпроқ тўловлар ўз вақтида ва тўлиқ тўланиши лозим.

30<sup>2</sup>. Куйида келтирилган омиллардан ҳеч бўлмаганда биттаси мавжуд бўлса, шартлари қайта кўриб чиқилган активларнинг сифати «шубҳали» деб таснифланади:

мазкур низомнинг 28-банди иккинчи, учинчи, тўртинчи ва олтинчи хатбошиларида назарда тутилган ҳолларда;

шартноманинг охириги муддати бир марта узайтирилганда.

30<sup>3</sup>. Шартлари қайта кўриб чиқилгандан кейин асосий қарз ва (ёки) фоиз тўловлари ўз вақтида ва тўлиқ тўланмаган активлар сифати «умидсиз» деб таснифланади.»

12. 31-банд куйидаги таҳрирда баён этилсин:

«31. Янги қарздор томонидан асосий қарз ва фоизларнинг тўланмаган барча суммалари қопланиб, активни қайтариш графиги бўйича кетма-кетликдаги кейинги 3 та тўловлар тўлиқ ва ўз вақтида тўланса, муаммоли активлар сифатининг таснифи тегишли тарзда қайта кўриб чиқилиши мумкин.»

13. 33-банд куйидаги таҳрирда баён этилсин:

«33. Активлар сифати уларнинг шартлари қайта кўриб чиқилишидан олдинги таснифланган тоифадан юқори ёки яхшироқ тоифада таснифланиши мумкин эмас (мазкур низомнинг 301-банди иккинчи ва учинчи хатбошисида назарда тутилган ҳолатлар бундан мустасно).

Ҳеч қандай ҳолатда активга унинг шартлари қайта кўриб чиқилгандан сўнг дарҳол «стандарт» тоифани бериш мумкин эмас.

Актив икки ва ундан ортиқ марта шартлари қайта кўриб чиқилганда, актив сифатини таснифлаш тоифаси шартлари қайта кўриб чиқилишидан олдинги тоифасидан бир поғонага паст бўлиши керак.»

14. Қуйидаги мазмундаги 4<sup>1</sup>-Боб билан тўлдирилсин:

#### **«4<sup>1</sup>-БОБ. БЕРИЛГАН БАНК КАФОЛАТЛАРИНИНГ СИФАТИНИ ТАСНИФЛАШ**

33<sup>1</sup>. Тижорат банклари томонидан берилган кафолатлар бўйича эҳтимолий йўқотишларга қарши захира миқдори принципиалнинг молиявий аҳволи, кредит тарихи ва принципиал фаолият кўрсатаётган иқтисодиёт тармоғи ҳолатини ҳисобга олган ҳолда унинг кредитга лаёқатлилигидан келиб чиқиб белгиланади.

33<sup>2</sup>. Қуйидаги ҳолатлар мавжуд бўлганда, банк кафолатининг сифати «стандарт» деб таснифланади: принципаал молиявий жиҳатдан барқарор; принципаал юқори даромадлилик даражасига эга; барча молиявий мажбуриятларини ўз муддатига бажаришига шубҳа туғдирмайдиган, шу жумладан кафолат бўйича қарзини қондириш учун етарли пул маблағлари оқимига эга;

тижорат ишларини ривожлантириш ҳамда молия ресурсларини эркин жалб қилиш имкониятлари мавжуд;

фаолияти чекланган таъминотчи ҳамда истеъмолчиларга боғлиқ бўлмаган;

тақдим этилаётган таъминотга доир барча ҳужжатлар қонун ҳужжатларида белгиланган тартибда расмийлаштирилган;

кредит ёки бошқа қарзлари бўйича тўловлар ўз вақтида амалга оширилган.

33<sup>3</sup>. Қуйидаги ҳолатлардан бири мавжуд бўлганда, банк кафолатининг сифати «субстандарт» деб таснифланади:

умумий молиявий аҳволи барқарор ҳисобланган, лекин фаолиятида айрим иқтисодий салбий ҳолатлар мавжуд бўлган, уларнинг бартараф этилмаслиги принципиалнинг мажбуриятларини ўз вақтида бажармаслик ҳолатини вужудга келтириш хавфининг мавжудлиги;

даромадлари ёки пул маблағлари оқимининг пассивий тенденцияси мавжудлиги.

33<sup>4</sup>. Қуйидаги ҳолатлардан бири мавжуд бўлганда, банк кафолатининг сифати «қониқарсиз» деб таснифланади:

молиявий аҳволининг жиддий ёмонлашувига сабаб бўлувчи ҳолатларнинг мавжудлиги;

даромадлари ёки пул маблағлари оқимининг охириги чоракка нисбатан 50 фоизга камайганлиги (фао-

лияти мавсумий хусусиятга эга қарздорлар бундан мустасно);

охирги ҳисобот ойдаги мавжуд барча муддати келган мажбуриятларни, шунингдек кафолат суммасини ушбу ой давомида келиб тушган пул маблағлари ҳисобидан қоплаш имкониятига эга эмаслиги.

33<sup>5</sup>. Қуйидаги ҳолатлардан бири мавжуд бўлганда, банк кафолатининг сифати «шубҳали» деб таснифланади:

мазкур Низомнинг 334-бандида назарда тутилган ҳолатлардан бирининг оғирлашганлиги;

охирги беш йилда салбий кредит тарихига эга эканлиги, яъни тўловларни ўз вақтида амалга оширмаганлиги.

33<sup>6</sup>. Қуйидаги ҳолатлардан бири мавжуд бўлганда, банк кафолатининг сифати «умидсиз» деб таснифланади:

берилган кафолат бўйича мажбуриятни банк томонидан бажариш ҳолатларининг юзага келиши; кредит ёки бошқа қарзлари бўйича тўловларнинг ўз вақтида амалга оширилмаганлиги;

талаб қилиб олингунча ҳисобварағига охириги чоракда тушум бўлмаганлиги (фаолияти мавсумий хусусиятга эга қарздорлар бундан мустасно);

молиявий фаолияти бўйича суд жараёнларининг олиб борилаётганлиги;

банкротлик аломатларининг мавжудлиги.

33<sup>7</sup>. Банк кафолатлари бўйича эҳтимолий йўқотишларга доир захирина шакллантириш ва ундан фойдаланиш тартиби Тижорат банклари томонидан банк кафолатларини бериш тартиби тўғрисидаги низомга (рўйхат рақами 2364, 2012 йил 15 май) мувофиқ амалга оширилади.»

15. 34-банд қуйидаги мазмундаги хатбошилар билан тўлдирилсин:

«Қуйидаги ҳолатлардан бири мавжуд бўлганда, инвестициялар даромад келтирган ҳисобланади:

банкка дивиденд кўринишида даромад келтирганда;

банк томонидан қилинган инвестицияни қайта баҳолаш натижасида ижобий фарқ юзага келганда; фонд биржасида котировкаси ошганда;

банк инвестиция киритган корхонанинг ташқи аудиторлик текширувидан ўтган молиявий ҳисоботига кўра ҳисобот даврини фойда билан яқунлаганда.»

16. 35-банднинг иккинчи хатбоҳиси қуйидаги тахрирда баён этилсин:

«Бундай инвестицияларнинг сифати энг паст тоифада таснифланиши керак.»

17. Қуйидаги мазмундаги 361-банд билан тўлдирилсин:

«36<sup>1</sup>. Банк активлари бўйича эҳтимолий йўқотишларни қоплаш захираси шу актив валютасида шакллантирилиши лозим.»

ЭЪЛОН

## ФУҚАРОЛАРНИНГ БАНКЛАРДАГИ ОМОНАТЛАРИНИ КАФОЛАТЛАШ ФОНДИ ХАБАРИ

**Фуқароларнинг банклардаги омонатларини кафолатлаш фонди Фонд реестри ҳисобида турувчи банклар рўйхатини эълон қилади.**

1. Ўзбекистон Республикаси Ташқи иқтисодий фаолият миллий банки.
2. «Асака» акциядорлик тижорат банки.
3. «Ўзбекистон саноат-қурилиш банки» акциядорлик тижорат банки.
4. «Ипотека-банк» акциядорлик тижорат ипотека банки.
5. «Агробанк» акциядорлик тижорат банки.
6. «Қишлоқ қурилиш банк» акциядорлик тижорат банки.
7. «Туронбанк» акциядорлик тижорат банки.
8. «Микрокредитбанк» акциядорлик тижорат банки.
9. Чет эл капитали иштирокидаги «Савдогар» акциядорлик тижорат банки.
10. Акциядорлик тижорат «Алоқабанк».
11. «Ипак Йўли» акциядорлик инновация тижорат банки.
12. Чет эл капитали иштирокидаги «Hamkorbank» акциядорлик тижорат банки.
13. «Капиталбанк» акциядорлик тижорат банки.
14. «ASIA ALLIANCE BANK» акциядорлик тижорат банки.
15. «Ўзагроэкспортбанк» акциядорлик тижорат банки.
16. «Трастбанк» хусусий акциядорлик банки.
17. «Туркистон» хусусий акциядорлик тижорат банки.
18. «Давр банк» хусусий акциядорлик-тижорат банки.
19. Хусусий акциядорлик-тижорат банки «Универсал банк».
20. «Ravnaq-bank» хусусий акциядорлик-тижорат банки.
21. «Invest Finance Bank» акциядорлик тижорат банки.
22. «HI-TECH BANK» хусусий акциядорлик тижорат банки.
23. «Orient Finans» хусусий акциядорлик тижорат банки.
24. «Мадад Инвест Банк» акциядорлик тижорат банки.
25. «КДБ Банк Ўзбекистон» акциядорлик жамияти.
26. «Ziraat Bank Uzbekistan» акциядорлик жамияти.
27. Эрон «Содерот» банкининг Ўзбекистон Республикаси Тошкент шаҳридаги шўъба банки.

«Фуқароларнинг банклардаги омонатларини ҳимоялаш кафолатлари тўғрисида»ги Ўзбекистон Республикаси Қонунига мувофиқ юқорида номлари келтирилган банклардаги фуқароларнинг омонатлари бўйича тўлиқ ҳажмда ҳақ тўлаш кафолатланади.

## «Капиталбанк» «Бренд – 2017» совриндори

«Бренд – 2017»да «Капиталбанк» акциядорлик-тижорат банки «Энг яхши савдо белгиси» ва «Энг яхши маркетинг ривож» номинациялари бўйича голиб, деб топилди.



Ўзбекистон ёшлар иттифоқи марказий Кенгаши, «Миллий маркетинг маркази» ҳамда «DE FACTO» маркетинг агентлиги томонидан ташкил этилган мазкур мукофот ички бозорда муваффақиятли фаолият юритаётган корхоналар (шу жумладан, молия муассасалари)ни аниқлаш, уларни қўллаб-қувватлаш ва рағбатлантириш, маркетинг ва реклама хизматлари бозори инфратузилмасини ривожлантириш мақсадида ўтказилди.

«Миллий маркетинг маркази» корхоналар уюшмаси мамлакат маркетинг индустриясини ривожлантиришга қизиқиш билдирган 63 компанияни бирлаштиради. Улар орасида «DE FACTO» маркетинг агентлиги ҳам мавжуд.

Мазкур мукофот уюшма аъзолари ва мутахассислар томонидан онлайн овоз бе-

риш йўли билан ўтказилди. Ушбу жараёнда жами 104 нафар респондент иштирок этди. 17 йўналишда ўтказилган танловда 34 нафар голиб аниқланди.

Таъкидлаш жоиз, «Капиталбанк» АТБ Ўзбекистонда илк хусусий банклардан бири сифатида 2001 йил 7 апрелда ташкил топган. 2017 йилнинг сентябрида муассаса Ўзбекистоннинг барча банклари орасида ўзини халқаро майдонда ишонч билан кўрсата олди. Унинг тақдирот ролиги Euronews, BBC, ва Bloomberg каби Европанинг етакчи каналлари эфиринда пайдо бўлди. Шу тариқа, 1 млрд. кишидан ортиқ аудитория «Капиталбанк» фаолиятидан, унинг Ўзбекистондаги ишончли сармоявий шерик сифатида сермахсул ҳамкорлик учун доимо очик эканлигидан хабар топди.

Гулшан ЮСУПОВА.

### СУҒУРТА ХИЗМАТЛАРИ

## Жаҳон футбол ишқибозлари учун акция



«Ўзбекинвест» экспорт-импорт миллий сугурта компанияси ўз мижозларига жорий йилда Россия Федерациясида бўлиб ўтадиган футбол бўйича жаҳон чемпионатида иштирок этиш имкониятини таклиф этмоқда.

Акция тарзида эълон қилинган ушбу ўйинда жорий йилнинг 7 майдан 7 июнигача компаниянинг «Бахтсиз ҳодисалардан сугурталаш», «Аҳоли уй-жойларини сугурталаш» ҳамда «Автотранспорт воситаларини ихтиёрий комплекс сугурталаш» сингари хизматлари бўйича сугурта полислари

рени харид қилган жисмоний шахслар қатнашадилар.

Акциянинг 8 нафар омадли иштирокчиси «2018 FIFA World Cup Russia™» – футбол бўйича жаҳон чемпионатининг қуйидаги ўйинларига чипталарни қўлга киритади:

Аргентина – Хорватия (21 июнь, Нижний Новгород), Германия – Швеция (23 июнь,

Сочи), Бразилия – Сербия (27 июнь, Москва), Англия – Бельгия (28 июнь, Калининград).

Компания томонидан акция голибларига футбол ўйинларига бориб келиш учун авиачипта ҳамда бу борада даромадлар учун ҳисобланадиган солиқлар тўлаб берилди.

Назира МАВЛОНОВА.

**БАНК АХБОРОТНОМАСИ**  
АХБОРОТ-ТАҲЛИЛИЙ ГАЗЕТА  
ҲАМКОРЛАРИМИЗ ВА МУАССИС  
Ўзбекистон Республикаси  
Марказий банки  
«Norma Hamkor» МЧЖ  
«Moliya yangiliklari agentligi» МЧЖ

**БОШ МУҲАРРИР**  
А.Н. НАЗАРОВ  
Нашр учун масъул  
З.М. ЭРНАЗАРОВА  
ЧОП ЭТИШГА ТАЙЁРЛОВЧИ  
«Moliya yangiliklari agentligi» МЧЖ  
**ДИРЕКТОР**  
Р.Л. ВАЛИЕВ  
Газета таҳририятнинг техник  
ускуналарида саҳифаланди.

**АХБОРОТ КўМАГИ**  
ЎЗА, «Туркистон-пресс» НАО  
**ТАҲРИРИЯТ МАЗИЛИ:**  
100060, Тошкент ш.,  
Шаҳрисабз кўчаси, 23-уй.  
e-mail: info@banknews.uz,  
www.banknews.uz  
**Реклама ва эълонлар учун**  
232-45-32 телефони  
орқали мурожаат қилинг.  
Факс: 232-43-98.  
Нашр индекси – 102.

Таҳририятнинг фақат ёзма розилиги билан «Банк ахборотномаси»да эълон қилинган материалларни қўчириб босишга ижозат берилди. Қўлғазмалар тақриз қилинмайди ва қайтарилмайди.  
Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган.  
Газета ҳафтада бир марта пайшанба кунини чиқади.  
Буюртма № 1 589.  
Адади 5058 нуска.  
Нархи шартнома асосида.  
Газета А3 ҳажмда, 2 шартли босма табоқда чоп этилди.  
Босишга рухсат этилди: 16.05.2018 й., 9.00.  
1 2 3 4 5